

臨證指南醫案

倪

韞

如



臨證指南醫案目

卷十

幼科要畧

痧疹

痘

疳

吐瀉

癰疽厥

虫

集方



此卷論幼科及看痘之法和平精切字字金玉可法可傳傳
古人之真銓而融化之不愧名家問此老太翁爲幼科專門
名問遠近此老旣得家學淵源又於大方諸書採取經絡藥
性之義而附益之所以其理益精其方益正不若前所列之
諸案尙多可議處也



臨證指南醫案卷十

十月廿五日 茗溪漫士臨本

許關李大瞻翰圖

古吳葉桂天士先生著

錫山華南田岫雲同較

邵銘新甫

幼科要畧

按襁褓小兒體屬純陽所患熱病最多世俗醫者固知謂六氣之邪皆從火化飲食停滯鬱蒸變熱驚恐內迫五志動極皆陽奈今時治法初則發散解肌以退表熱仍混入消導繼用清熱苦降或兼下奪再令病家禁絕乳

乳斷不可
禁絕然大
宜減少佐
以米飲不
令生痰為
妙

食每致胃氣索然。內風來乘，變見驚癇，告斃甚多。附記
世俗通套之方藥於左，不可不知，不足取法也。

防風 荆芥 葛根 前胡 桔梗 木通

赤芍 蒿子 厚朴 陳皮 山查 麥芽

枳殼 神麴 鈎勝 夏佐香薷冬佐麻廣羌活

兩三日熱不解

柴胡 前胡 黃連 黃芩 山梔 連翹

薄荷 葛根 木通 鈎勝 厚朴 枳實

瓜蒌實 九劑未必必用大黃

四五日不解，但言食滯未盡，表裏不和，總以柴苓小陷

錄出諸品
藥戒人不
可輕用及
觀後幅所
用之藥仍
不出此諸
味則前後
相背矣要
知此等藥
總在用之
得宜不對
症則用之
有害不必
錄山垂戒
反啟後人
之疑也

胸若嘔逆煩渴用竹茹黃連半夏若痰多喘促即用葶
蘇杏仁蘇子葶子胆星貝母甚者加半夏此皆套法所
當戒也

屢清消不愈便無方法苟不變驚必日晡蒸熱等所用
藥餌不分氣血陰陽但知見症施治如早涼暮熱必用

地骨皮 丹皮 生地 元參 甘草 北沙參

石斛 知母

有痰加

蘇子 杏仁 貝母 橘紅 胆星 桔梗

其鈎藤石斛茯苓穀芽之屬每劑必用總之取無故疲

藥待其自愈。倘有變症，希冀掩飾而已。

今有此八已為良醫矣

愚按嬰兒肌肉柔脆，不耐風寒。六腑五臟氣弱，乳汁難化。內外二因之病自多。然有非風寒竟致外感，不停滯。屬內傷其故何歟？嘗思人在氣交之中，春夏地氣之升，秋冬天令之降，呼出吸入，與時消息間有穢濁吸入，卽是三焦受邪，過募原直行中道，必發熱煩躁，倘幼醫但執前藥，表散消導，清火通便，病輕或有倖成，病重必然顛覆。錢仲陽云：「冀履不可近襁褓小兒。」余言非無據矣。四十年來，治效頗多，畧述其槩云。

夫春溫夏熱，秋涼冬寒，四時之序也。春應溫而反大寒，夏

應執而反大涼。秋應涼而反大熱。冬應寒而反大溫。皆
不正之乖氣也。病自外感。治從陽分。若因口鼻。氣未
必恰在足太陽經矣。大凡吸入之邪。首先犯肺。發熱咳
喘。口鼻均入之邪。先上繼中。咳喘必兼嘔逆。脹雖因
外邪。亦是表中之裏。設宗世醫發散陽經。雖汗不解。病
程質薄。神怯。日期多延。病變錯綜。茲以四氣常絃列左。

伏氣

春溫一症。由冬令收藏未固。昔人以冬寒內伏。藏於少陰。
入春發於少陽。以春木內應肝胆也。寒邪深伏。已經化
熱。昔賢以黃芩湯爲主方。苦寒直清裏熱。熱伏於陰。苦

背正論也

味堅陰乃正治也。知溫邪忌散，不與暴感門同法。若因外邪先受，引動在裏伏熱，必先辛涼以解新邪，繼進苦寒以清裏熱。況熱乃無形之氣，幼醫多用消滯攻治，有形胃汁先涸，陰液劫盡者多矣。

備用方

黃芩湯

葱豉湯

新邪引動伏邪

涼膈散

清心涼膈散

風溫

風溫者，春月受風，其氣已溫，謂春氣病在頭，治在上焦。肺位最高，邪必先傷此手太陰氣分，先病失治，則入手厥陰心胞絡血分亦傷。蓋足經順傳如太陽傳陽明入



首知之肺病失治逆傳心胞絡幼科多不知者俗醫見

身熱咳喘不知肺病在上之旨妄投荆防柴葛

此亦未設

朴杏蘇荀子查麥廣皮之屬輒云解肌消食有見痰喘

便用大黃礞石流痰丸大便數行上熱愈結幼穉穀

胃薄表裏苦辛化燥胃汁已傷復用大黃大苦沉降

藥致脾胃陽和傷極陡變驚痛莫救者多矣

按此症風溫肺病治在上焦夫風溫春溫忌汗初病投

亦須辨症

劑宜用辛涼若雜入消導發散不但與肺病無涉劫盡

胃汁肺乏津液上供頭目清竅徒爲熱氣薰蒸鼻乾如

煤目瞋或上竄無淚或熱深肢厥狂躁溺瀉胸高氣促

皆是肺氣不宣化之徵。斯時若以肺藥少加一味清降。使藥力不致直趨腸中而上痺可開。諸竅自爽。無如城市庸醫。僉云結胸皆用連翹、柴枳、苦寒直降。致閉塞愈甚。告斃甚多。

正論

按此症初因發熱喘嗽。首用辛涼清肅。上焦如薄荷、連翹、牛蒡、象貝、桑葉、沙參、梔皮、蘘皮、花粉。若色蒼熱勝。煩渴用石膏、竹葉、辛寒清散。痧症亦當宗此。若日數漸多。邪不得解。冬連涼膈亦可選用。至熱邪逆傳入膈。中神昏目瞋。鼻竅無涕淚。諸竅欲閉。其勢危急。必用至寶丹。或牛黃清心丸。病減後餘熱。口甘寒清養胃陰足矣。

急救非此不可

備用方葦莖湯

清心涼膈散

涼膈散

瀉白散

葶藶大棗湯

白虎湯

至寶丹

清心牛黃丸

竹葉石膏湯

喻氏清燥救肺湯

夏熱

夏為熱病。然夏至已前。時令未為大熱。經以先夏至病溫。

後夏至病暑。溫邪前已申明。暑熱一症。幼醫易眩。夏暑

發自陽明。古人以白虎湯為主方。後賢劉河間創議。迨

出諸家。謂溫熱時邪。當分三焦投藥。以苦辛寒為主。若

○並無分大經者。

拘六經分症。仍是傷寒治法。致悞多矣。蓋傷寒外受之



寒必先從汗解辛溫散邪是已口鼻吸入之寒即為中

寒陰病治當溫裏分三陰見症施治若夫暑病端方甚

少皆因前人畧於暑詳於寒耳考古如金匱暑暍證之

因而潔古以動靜分中暑中熱各具至理茲不槩述論

幼科病暑熱夾雜別病有諸而時下不外發散消導加

入香薷一味或六一散一服考本草香薷辛溫發汗能

泄宿水夏熱氣閉無汗渴飲停水香薷必佐杏仁以杏

仁苦降泄氣大順散取義若此長夏濕令暑必兼濕暑

傷氣分濕亦傷氣汗則耗氣傷陽胃汁大受劫燥變病

由此甚多發泄司合裏真自虛張鳳達云暑病首用辛

大順散乃
治暑月傷
冷之方也
何得連類
及之

妙法

涼。繼用甘寒。再用酸泄酸飲。不必用下。可稱要言不煩矣。然幼科因暑熱。蔓延變生他病。茲摘其槩。

受熱厥逆

夏令受熱。昏迷苦驚。此爲暑厥。卽熱氣閉塞孔竅所致。其邪入絡。與中絡同法。牛黃丸至寶丹芳香利竅。可效。神甦以後。用清涼血分。如連翹心竹葉心玄參細生地鮮生地二冬之屬。此症初起。大忌風藥。初病暑熱傷氣。竹葉石膏湯。或清肺輕劑。大凡熱深厥深。四肢逆冷。但看面垢齒燥。二便不通。或瀉不爽。爲是大忌。誤認傷寒也。

疳

幼兒斷乳納食。值夏月脾胃主氣。易於肚膨泄瀉。頭熱手足心熱。形體日瘦。或煩渴善食。漸成五疳。積聚當審體之強弱。病之新久。有餘者當疏胃清熱。食入黃色白或不化。當健脾佐消導。清熱若濕熱內鬱。蟲積腹痛導滯驅蟲。微下之。緩調用肥兒丸之屬。

口疳

夏季秋熱小兒泄瀉。或初愈未愈。滿口皆生疳。蝕嘗有阻塞咽喉致危者。此皆在裏濕盛。生熱熱氣蒸灼津液。不升濕熱偏傷氣分。治在上焦。或佐淡滲。世俗常刮西瓜翠衣治疳。取其輕揚滲利也。

○溫頌如治

脹

夏季濕熱鬱蒸脾胃氣弱水穀之氣不運溫着內蘊爲熱
漸至浮腫腹脹小水不利治之非法水濕久積逆行犯
肺必生咳嗽喘促甚則坐不得臥俯不能仰危期速矣
大凡喘必生脹脹必生喘方書以先喘後腫者治在肺
先脹後喘者治在脾亦定論也金匱有風水皮水否水
正水黃汗以分表裏之治何聞有三焦分消子和有磨
積逐水皆有奧義學者不可不潛心體認難以槩述閩
近代世俗論水濕喘脹之症以內經開鬼門取汗爲表
治分利小便潔淨府爲裏治經旨病能篇謂諸濕腫滿

皆屬於脾以健脾燥濕爲穩治治之不效技窮束手矣
不知凡病皆本乎陰陽通表利小便乃宣經氣利腑氣
是陽病治法暖水臟溫脾腎補方以驅水是陰病治法
治肺痺以輕閉上治脾必佐溫通若陰陽表裏乖違臟
真日瀉陰陽不運亦必作脹治以通陽乃可奏績如周
方禹餘糧丸甚至三焦交阻必用分消腸胃窒塞必用
下奪然不得與傷寒實熱同例擅投硝黃枳朴擾動陰
血若太陰脾臟飲濕阻氣溫之補之不應欲用下法少
亦六岐少甘遂爲太可也其治實症選用方法備採

備用方萆薢大棗湯

傷白散

大順散